



0931	年
81	月
5	日
佛教大学蔵書	
第 331028 号	



無量壽經鈔卷第五

盡經上卷

望西樓沙門了慧述

西樓寺

七佛告阿難。爾時法藏下立誓。請證於中。有

二初結前生後次。我建下正明誓。請於中亦

二初立誓。自要次。斯願下約誓。請證初文亦

二初舉自果立誓。次離欲下舉佛德。願求初

文有二。先約自德。次我於下約化他德。初自

德中起。此願者問指何願。耶答諸師不同。淨

影懺興指上攝身攝七。五願各起。此願義寂



惣指四十八願法位同且可依義寂之意攝生正是超世願故願滿不可限身土故加之寶積經云今對如來發弘誓當證無上菩提果若不滿足諸上願不取十力無上尊比既云諸願何局身土問言超世者超何世耶答淨影所釋意不分明義寂意者超勝地前世間之位故名超世故彼釋云法藏比丘於此佛所發心有二一者未超四十八願先發世間有漏發心二者五劫思惟以後更發出

世無漏發心又云五劫思惟以後發證發心故後頌曰我建超世願比有云淨影之意亦如義寂云今云法藏選集諸土之中善妙建此願故超世流布諸佛本願是名超世如下文云無量壽佛威神光明最尊第一諸佛光明所不能及又云清淨莊嚴超踰十方一切世界比身土兩願既超諸佛攝衆生願亦應然故次化德中大施等者問所言施者為是財施將法施耶答諸師不同淨影云法施化

益興師破云有人釋言法施化益非也欲濟  
貧苦必財施故我至成佛等者法施雖舉名  
聲意在教故抄略此破一在聖教常談貧苦之  
言不必乏寶如法華云見六道衆生貧窮無  
福慧比今經貧苦言何定約世財况次下云  
施功德寶今亦可然故淨影釋其義無失今  
謂通二本願中有供具衣服稱名聞無等之  
願故超十方等者問佳譽為超十方諸佛答  
淨影云我成佛時名聞十方有人究竟於我

名字無所聞者不取正覺比依此釋者超遠  
聞義或如所問有何失耶所謂佳名超諸佛  
故一切衆生究竟聞之問此三行頌大意如  
何答四十八願必定滿足初行以此本願濟  
衆生苦第二行比本願名超聞十方第三行如此  
三事若不成者擔不成佛故義寂云一望滿  
願果二望大施果三望名聞果比問上本願  
中一一各有不取擔約今何重說答夫再言  
者志之鄭重發願事重比豈輕次舉佛德

順求中二初略次神力廣初文中離欲等  
者舉已善因即是六度謂離欲者施戒忍也  
正念是禪淨慧是智進通五故不別說也指  
此六度惣名梵行或三善根謂離欲者即無  
貪善正念無瞋淨慧無癡此名梵行又玄一  
云離欲深正念者顯定也四根本定離欲方  
得故問何故明定舉深正念答定品中念增  
上故又說得言方深正念故言淨慧修梵行  
者明慧也上志求等者求佛果也淨影云求

無上道求佛恩德為天人師求利他德上次  
廣說中二初舉佛化德次願我下願求同佛初  
文亦四初舉佛化德次功祚下舉佛自德三  
為眾下重舉化德四供養下重舉自德初化  
德中消除三垢者淨影云小乘法化教斷三  
毒名除三垢同之小乘但斷煩惱障故三毒  
屬小開彼等者淨影云大乘法化同之大乘  
兼斷所知障故開智滅昏屬大乘也閉塞等  
者淨影云人天法化同之次自德中功祚等

者此之一句舉佛德體。履耀已下明佛德用。且舉光明餘略。不論祚廣韻云祚福也祿也。位也作誤反戢鋌也止也阻立反三重化文。文相可見。四重自中初之四句明福智因如佛已下明自在用德本等者玄一云万行之中檀那爲首四攝之行布施爲初是以供養名衆德本。上比次求同中功慧等者淨影云功是福因慧是智因願我以此福智之力等佛如來最勝之尊玄一云指世自在王佛名之。

爲此。上比二請證文其義易見。八佛告阿難法藏下現瑞證誠於中有三初結前文次應時下現瑞應請三自然下出聲嘆記初文可知。次文中震動等者地神應瑞即翻初請雨華等者天人應瑞即翻後請六動之相如序中記三嘆記中自然等者非作所成故云自然空中讚聲何物聲耶爲是佛聲爲是樂音故舉樂音顯能讚體。九於是下摠結摠願之中具足修滿等者當上六八願等誠諦等者當

向瑞證超出等者當上起發無上之願及以一切世間無能及者等文又當我建超世願等深樂等者當上其心寂靜志無所著等文上來所說不出之故以爲摠結上來第一勝因已竟

第二阿難時彼下明勝行以可願行相須故也於中爲二初修淨土行次不生下修法身行初文亦二先牒前次一向下起行初文中諸天等者舉八部中第一第二謂天龍等之

俱舍世間以四末三

八部也又玄一云神謂後六比發斯等者淨影云發斯弘擔牒前所發四十八願建此願已牒前我建超世願等比憬興破立云非也經稱前名願後言擔故今即弘擔者結反順之擔此願者結四十八願比今明淨影建此願言順我建超世願文故興亦無失又法位玄一唯指六八非今所用除要擔故次起行中二初摠標次所修下別說於中亦二初舉行果次於不下正修土因初文中恢廓等者

行生論云究竟如虛空廣大無邊際比然法  
位云此言廣大者即自受用玄一破云前所  
顯國土是衆生所生如何得是自受用土可  
說此應化土雖應化土而無須彌七金山等  
故言闢廓等比並非所用兩師或過或不及  
故恢廓者懽興云恢若灰反大也廓古厖反  
大也玉云廓空也超勝等者如禮讚云四十  
八願莊嚴起超諸佛剎最爲精比然義寂云  
超以過地前異生位故獨妙不以二乘相交

雜故法位云非諸菩薩境故興師亦非所用

違諸文故云常然等者三常住中凝然常也

如事讚云無衰無變湛然常比問既是修因

感果之土而亦有始寧容得言非因非果凝

然常耶答修因感果是始覺智無爲凝然則

本覺理始覺究竟無非本覺如釋大衍論云

若得始覺還同本覺比談能證日雖似有始

至所證時始本不二本有常住故今經云次

於無爲泥洹之道法事誦云極樂無爲涅槃



果比加之大乘密嚴經云佛已超過彼而依  
密嚴住極樂莊嚴國世尊無量壽又云密嚴  
淨土超諸佛國如無為性不同微塵此密嚴  
中諸佛菩薩并餘國土來此會者皆如涅槃  
同經疏法藏云如無為者密嚴土者即是諸佛  
他受用土於法性土以悲願力建立故此淨  
土如法性土離無常過以是故說如無為性  
乃今此密嚴藏但於清淨如來藏心之所現  
故非微塵成上既如無為離無常過當知疑

然常住土也若約化相有為無漏離對治壞  
故云常然問無衰無變其義如何答衰者異  
相變者滅相生亂修起住亂常然故略不舉  
以實而言四相俱離無為土故若約化相簡  
穢土耳義寂云於內無有飢冷等衰於外無  
永有水火等變法位云一得求常不為三災之  
所散壞故云無衰無變懷典若依此意可不  
斷常次修因中亦二初長時修次積植下無  
餘修初文中兆越等者淺寂云入初地後更

經第二第三大劫不可意議兆載永劫  
兆之與載皆是筭數之名也風俗通云十萬  
為億十億為兆十兆為經十經為姦十姦為  
補十補為選十選為載兆即當於六十數中  
第七類底洛又載即當於第十二那更多法  
華經云至乃百千萬億那更他阿僧祇劫後重  
頌云至乃無量百千萬億載阿僧祇故知載當  
那更多也比玄一云初兆載黃帝第三品今  
且舉一十千億為兆十千兆為京十千京為

姦十千姦為掃十千掃為匹十千匹為載今  
案慧大論抄漢地大數有十五一一二十三  
百四十五萬六億七兆八景九改十俱十一  
間十二紫十三讓十四政十五載然即舉中  
間一數最後一數顯其長劫懽興云黃帝筭  
有三品且舉其一全同玄次文可知二不生  
下修法身行中亦有二初別起行次無缺下  
摠結行初文亦四初離煩惱次勇猛下修善  
法三遠離下離惡業四兼國下修善業初文

亦二初明自行次無有下明化他初文亦四  
初離煩惱因緣次忍力下明法對治三無染  
下離煩惱體四三昧下明修對治初文中欲  
覺等者淨影云覺有八種如地持說一是欲  
覺思財思色二是瞋覺亦名恚覺思欲瞋他  
三者害覺亦名惱覺於他人所念欲加害四  
者親覺追憶親緣五國土覺念世安危六不  
死覺謂身不死廣集資生七挨姓覺念氏挨  
下八輕誑覺念陵他人此八種中初三過重

為是偏舉比此中欲者與貪相應於有有具  
染著為性能障無貪生苦為業所言瞋者於  
苦苦具增恚為性能障無瞋而為不安惡行  
所依以為其業此之貪瞋通於五斷亦遍六  
識其過最重故翻入淨品所言害者雖是隨  
感下隨煩惱於諸有情無悲愍心損惱為性  
能障不害遍惱為業故過最重亦翻入淨如  
光記云於小惑中害雖不通五斷非遍六識  
而別翻者以過重故惱亂菩薩障趣菩提善

產將證無上菩提仍起欲恚害覺由斯過重  
所以別翻上以是義故今別舉也問如彼釋  
迦成道時者未斷惑故猶起三覺法藏菩薩  
既斷無明證入初地豈有欲等若夫無者何  
云不生答今約所無顯其行德下去準之欲  
想等者淨影云不起欲想瞋想害想重複顯  
之至乃亦可前言不生三覺就始彰離今言不  
起欲瞋害想就終明離未對境界預起邪思  
名之為覺對緣生心說為三想上此有二解

亦可上已下又一解故憬興破次解云正對境  
界不生三覺無別等所以故今即三覺之因  
如次三想取境分齊方生欲等故然即不貪  
名利故不生欲覺不惱眾生故不生瞋覺不  
損物命故不生害覺三覺不生必絕三想故  
亦兼之上今案之云覺者謂尋令心念遷產  
性而轉想者能取境界差別故俱舍釋尋心  
所云產性名尋上去師釋想心所云想謂於  
境執取男女等種種差別相上想取境持尋

必相應雖是一聚俱起之法覺想體異故重  
舉之若尔淨影初義順理同時俱起法故憬  
興自義亦不違理二體別故今須依之不著  
等者憬興云內因既離外緣斯止故云不著  
淨影義寂次對治中忍等二句治上覺想少  
其意大同等一句治向色等忍力等者憬興云忍力者  
安受苦耐忍害察法忍也以此忍力能忍損  
惱故離三覺三想法位云忍有三種一者安  
苦忍謂於世違事能受故二他不饒益忍謂

他於已有違損能受故三法思惟忍謂於法  
無分別故此三忍成就故言不計眾苦比少  
欲等者法位云於未來不多求名少欲於現  
在希望滿名知足比舊云知足新名喜足即  
是對治不喜足大欲之貪今舉四聖種中初  
三故云知足四聖種觀者一飲食知足二衣  
服知足三醫藥知足四樂斷樂修又義寂引  
般若經云云何菩薩少欲乃至阿耨菩提尚  
不欲何況餘欲是名少欲云何菩薩知足得

一切種智是名知足。此意不求他境名少欲。安住自法名知足。他境即是色等五欲。自法即是理量。二智比三離體中無染等者。問者今文勢無染。恚癡是上句攝。謂少欲等治貪。比句治瞋癡。故蒼染謂貪也。故法位云無染。恚癡者絕三毒。同玄之一義。寂亦引般若經中。娑怒癡文而證。今文上四聖種下三善根不可混亂。四修治中三昧等者。淨影云三昧常寂止行深也。智慧無尋觀行勝也。興師全同心住止。

觀三毒何起。故成對治。二無有下明化佗中。虛偽等者。淨影云無有諂曲。明離心過。言和顏者。明離身過。愛語先問。明離口過。興師全同所。言諂者。是小煩惱。光記云諂謂能令心曲為性。由此不能如實。自顯彼人。或矯非撥彼人。怨家今彼觀喜為諂。他人或設方便種種現相。今解不明。故名為諂。比心離此。感身口豈。惡故云和顏愛語等也。雖舉身口終歸意業。是故以為離煩惱。段二勇猛下明修善法於。

中。有三初。無間修次。恭敬下。恭敬修。三住空。下。行成證修。初文中。勇猛等者。今依法位。懨興。等意。精進有三。一勇猛精進。捨不怯。故二。加行精進。加修進。故三。無足精進。修不息。故。今之三句。如其次第。三精進也。次文中。恭敬等者。懨興云。恭敬三寶。即福方便。奉事師長。則智方便。大莊嚴者。福智。二嚴已成就。故備施等之眾聖行也。淨影三行成。中空。無相等者。如序中。釋無作等者。無作空。因無起。空果。

如化用。譬如義寂云。因無作者。果無起者。作起無實。故如化也。又懨興云。因無實用。故云無作。果無真體。故云無起。既無實體用。故觀如化。抄略但淨影云。無作空。果無起。空。因證法。非無。故云如化。取意三遠離。下明離。惡業於中。有二初。明離過。次修習。下明攝治也。離過攝治。俱有身口。翻對可知。初文中。鹿言者。問為限。惡口。將通口。四自害。準之。答約對善語云。鹿言。故可通口。四身業。亦亦對利云。害害者。

只是損功德義故通身三又解於口四中舉  
惡口一而顯餘三身過亦尔唯舉敬業而顯  
盜娼四棄國下明修善業於中亦二初明自  
利次教人下明利他也初文中財色等者財  
謂財寶色謂女色淨心觀云一切苦因果財  
色為本此是故絕去次文可知二無鞅下摠  
結身行如文應知

第三隨其生處下明勝果即前二地已上習  
果之勝用也於中有二初明勝依果是則依

前淨土之因先感此果次或為下明勝正果  
是亦依前法身之因先得此果初文中隨其  
等者自得勝財以財利生令入佛道次文亦  
二初明功德果次於一下明智德果初文有  
二先明生勝次口氣下明身勝初中亦三先  
列勝生次常以下明勝行三如是功德下結  
初列中有三類八種勝人類中有其四種一  
長者者觀音經疏下云長者身者應釋十長  
者取人之取德內合法門頌疏云臣富長者



已韓子云重厚自居謂之長者風俗通云耆  
年德艾云又事長於人五云二居士者觀音經疏云  
居士多積賄貨居業豐盈助宜記下仁云淨  
名疏云外國居財一億稱下居士乃至百億  
名上居士此土居家德業亦名居士三豪  
姓者淮南子云智出百人謂之豪千人謂之  
傑也四尊貴者釋迦譜云刹刹王種取為高  
貴已如阿難等國王類中有其二種一刹刹  
者輪王以外大小王也刹刹呼姓國君呼名

翻譯名義集云刹帝利摩曰王種也秦言田  
主劫初人食地味轉食自然粳米後人情漸  
偽各有封植遂立有德處平分田此王者之  
始已二輪王者俱舍云由輪旋轉威伏一切  
名轉輪王已有四輪王云天人類中有其二  
種一欲天者其相可知二梵王者淨名疏云  
梵是西音此云離欲或云淨行又云梵王是  
娑婆世界主住初禪中間禪也毗曇云二禪  
已上無言語法故不立王法嬰珞禪禮皆有

梵王次第禪門云佛於仁王經說十八梵應  
有民主之異又云四禪中有大梵天王者以初禪內  
三藏中但說初禪有大梵天王者以初禪內  
有覺觀心則有語言法主領下地衆生爲便  
比二三兩科如文可知次明身勝中亦有三  
初舉勝德次其手下明其勝用三如是下結  
初文中優鉢羅華者玄贊云青蓮華正文在下梅  
檀香者梵云栴檀此翻與樂謂夏時冷冬時  
燻故次文中其手常出等者準上四事供佛

之文應言供養一切諸佛文無略也故淨影  
云手出供具供養諸佛義寂云施諸有情供  
養三寶比三結文可知次明智果中一切法  
等者法得自在智所成故上來分科大旨依  
於淨影憬興然義寂釋配十地行謂從發斯  
弘誓已下至無畏者爲初地行於中願因願  
果成就從於不下至觸法者爲二地行戒度  
成故從忍力下至承問者爲三地行忍度成  
故從勇猛下至成就者爲四地行進度成故

從住空下至兼行者為五地行定度成故從  
棄國下至令行者為六地行慧度成故從無  
鞅下至發應者為七地行方度成故從教化  
下至稱說者為八地行願度成故從口氣下  
至世界者為九地行力度成故從容色下至  
自在者為十地行智度成故

第二阿難白佛法藏下明所成中即有二初  
明勝報次又其下明極樂也初文亦二先摠  
明所成次佛告阿難無量下別明所成初文

亦二先明佛身次其佛下約身明所居初中  
亦二先明果成次阿難又問下明又近初文  
中十萬等者寶積小經同云十萬又稱揚諸  
佛功德經云西方去此十萬億佛刹有世界  
名曰安樂其國有佛号阿弥陀如來已問覺  
經云正在西方去是閻浮刹地果千億萬須  
彌山佛國大跡陀莊嚴經云百千俱那由  
他佛刹佛讚經請觀音經云過二十恒河沙  
佛土十住漸結經云西方去此無數佛土有

佛名無量壽上相違如何答經經異說不須  
和會但義寂會云千億萬者謂千億至萬此  
就一四天下國土而說文云須彌山佛國故  
此經云十萬億者謂億至十萬此言億者應  
是千萬為億即當俱脰之數舊經論中俱脰  
之數多翻為億如三千大千世界舊經云百  
億新譯云百俱脰故知此億即當俱脰非洛  
又也若十萬為億應云億億云何言十萬億  
觀音授記經云億百千者亦是十萬億也何

故此經與舊本不同者以億數中多少不同  
或以十萬為一億或以百萬為一億或以千  
萬為一億所言千億萬者依十萬為一億也  
千億即是一姪此姪至萬即是十那由他言  
十萬億者依千萬為一億也一億即是一經  
萬億即是一那由他十萬億者即是十那由  
他然則去此瞻部洲至安樂界過十那由他  
須彌山也一三千大千界中有百俱脰須彌  
山十那由他須彌山即是十萬三千界也稱

讚經云言去此世界過百千俱那由他阿僧祇佛  
土者為千俱那由他阿僧祇同那由他多言舊諸本  
無不可一會又要集會稱讚經云智光疏意  
云言俱那由他者此為億也那由他多者當此間婉  
數也世俗言十千曰万十万曰億十億曰兆  
十兆曰經十經曰婉婉猶是大數也百千俱  
那由他十萬億億有四位一者十万二者百万  
三者千万四者万万今言億者即是万万為  
顯此義舉那由他多比但斷結經只舉數多不

指分量故不可違請觀音經猶是異說不須  
和會次文中歷十劫者問覺經云十八劫相  
違如何答義寂會云八字應誤餘文皆多云  
十劫故憒與會云支謙經曰作佛以來十小  
劫意同此也而帛延云作佛以來凡十八劫  
者蓋其小字闕其中點矣比又玄一云因法  
師會小八別二說一云實小字而云八者是  
謬何以故此經及小經皆言十劫故一云實  
十八然小經中十者約大數耳若依此說無

量清淨平等覺經為正比問所言劫者大小  
中何答興云小劫又要記云今稱讚經云十  
大劫雙卷經云凡歷十劫大阿彌陀經云十  
小劫平等覺經云十八劫然有大小不同者  
寶崛云如雜心說六十四劫名一大劫俱舍  
云八十小劫為一大劫依瓔珞經下卷亦明  
三劫一里二里十里乃至四十里石方廣亦  
然以天衣重三銖人中日月歲數三年一拂  
此石乃盡名一小劫就小劫中自有一里二

里乃至四十里也二八十里石方廣亦然以  
梵天衣重三銖梵天中百寶光明鏡為日月  
歲數三年一拂此石乃盡名為中劫三有八  
百里石方廣亦然以淨居天衣重三銖即淨  
居天百寶光明鏡為日月歲數三年一拂此  
石乃盡名一大僧祇劫智度論擇論等云乃  
四十里城滿中芥子不繫令平百歲人取一  
芥子盡名一大劫望瓔珞經即是彼小劫抄略  
說大小劫得名不定望大名小望小名大上已

要記天台法華疏四云從八万至十歲為小劫  
八十反為大劫也已上法華玄問十劫成道論第五同之  
為是實成將迹佛耶答三部等說即明實成  
經釋分明然首經云昔恒沙劫十二光佛相  
繼出世具文如前若對彼者可迹佛歟故靈芝小  
經疏云楞嚴勢至章云我於往昔恒河沙劫  
有佛出世名無量光十二如來相繼一劫準  
大本中即弥陀也今經大本皆言十劫乃是  
一期趣機之說不足疑矣此問若依首經四

十八願迹佛所擔迹則方便增上信心何得  
發耶答此難非也迹佛所作若無實者法華  
開權亦虛說耶本迹雖殊不思議一迹門顯  
實不違又遠故今亦可介縱雖迹佛其願真  
實法藏悲智不違本地故况果上願豈有誤  
耶問若介今經實成本願可不極成因位願  
故答此亦無誤已成佛故如禮讚云彼佛今  
現在世成佛當知本擔重願不虛眾生稱念  
必得往生已又近他事於我何益只仰願力

偏放趣矣。次約身明所居中二初明所有次  
又其下明所無。初文中金銀等者問此文即  
是三十二願成就也。然願中云無量雜寶  
今云七寶如何相違。答實如願文。但今日舉  
世之所貴。故義寂云佛地論云。就此所重。且  
說七寶其實淨土無量妙寶。綺飾莊嚴。上已曠  
蕩等者曠。玉云苦滂。反空也。先也。廣遠也。蕩  
切韻云。當朗反。憬興云。赫乎格反。切韻云。赤  
也。毛詩云。赫赫師尹。注云。赫赫盛貌也。焜胡

本反。切韻云。火光。又作煜。由鞠反。盛也。曜也。  
比中精等者。王云。精明也好也。靈也正也。神  
聖也。比如第六天者。義寂云。且舉世間欲界  
中勝非淨土寶。唯如彼也。故下文云。設第六  
天王。乃不可計信。正報既不相。此當知依果  
亦然。比次明所無。中二初正舉所無。次余時  
下問。答決疑。初亦有三。先明無器穢。次亦無  
地。下明無趣穢。三亦無四。下明無時穢。初文  
中大海小海等者。外海名大。內海曰小。有水



云溪無水名谷又寶積云亦無火光涌泉波  
湖比但大弥陀云有燈火問觀經中說黃金  
為渠今何云無荅彼池支流此則古坎是故  
不同如憬興云注谷曰溝也渠且居反廣雅  
故坎也字林小瀆深廣各四尺也比欲見則  
現者問三十一願長時照見十方淨穢被穢  
土中有須弥等何故今云欲見則現荅彼則  
影現譬如鏡像今是體現譬如化鳥機欲異  
故聖應亦別不可混亂次文中無地獄等者

是第一願願成就也問地獄等亦欲見則現  
荅有云山等可愛故隨樂現怱趣非愛故不  
可現若欲見者可望樹樓無由重現云後文  
中無四特等者覺經云其國中無有一日二  
日也無有十五日一月也無有五月十月也  
無有五歲十歲也寶積云亦無日月晝夜之  
像比次問荅決疑中有五初阿難假問次佛  
語下如來反實三阿難下阿難實荅四佛語  
下如來準說五阿難下阿難顯問意於中初

三如文可知。四準說中衆生功德等者。問覺  
經云佛言無量清淨佛國無有須彌山者。亦  
如是。第一四王天第二忉利天皆自然在虛  
空中住止無所依止無所依因也。比依業依  
空相違如何。答覺經文且因順穢土說果當  
相今經約因明其實義住空不落有何所以  
依業力故。故能余者。問如下文者。彼土實雖  
無人天體。因順餘方有人天名。何今云有四  
天等耶。答實如所難。但今文者順阿難問。且

設無方適時。答也。憬興云日月猶有。故覺經  
云其日月星辰皆在虛空中住止亦不復迴  
轉運行。亦無精光也。蓋雖無須彌。既在生之  
宮。故有而已。以此即知彼土人天空地不同。  
諸有異釋。唯勞虛言。又云人天無別。但遂穢  
土業以別人天。故云因順餘方有人天之名。  
比五問意。文其義可知。二佛告阿難無量壽  
下。別明所成。於中有二。初明佛身。次聲聞菩  
薩。下約身明。徒衆初文亦二。初明佛光。次佛

語阿難無量壽下明佛壽也初中亦四先釋迦讚嘆次無量壽佛光明下諸聖讚嘆三若有衆生下衆生稱嘆四佛言下揔結嘆也初文亦二先明光相次其有下嘆光益初文亦十二願願成就也問佛果平等光明何異答常同常別諸佛妙德內證雖同本願別故光有勝劣如覺經云所以諸佛光明所照有遠近者何本前卅宿命求道為菩薩時所願功

德各自有大小至其然後作佛時悉各自得之是故令光明轉不同等諸佛威神同等耳大弥陀經全同然吾弥陀即有光明無邊擔也次辯中二初舉餘佛劣次是故下顯弥陀勝初文中照百等者自下科簡諸師不同淨影意云從諸佛下至刹土者舉餘佛劣從是故下至光佛者顯弥陀勝法位同之義寂意云從或有下至如是者明弥陀佛圓光之勝弥陀現身大小異故置或言也從或有下至刹土者舉於

餘佛圓光之劣，從是故下至光佛者，依光立名。示今之所用淨影義也。經文標釋順覺經及大彌陀，故問照恒沙刹，尚餘佛者與彌陀光有何別耶？答既云恒沙知有限量，故不可及。彌陀無量無邊光也。問所言佛光為限，頂光為舉身光。答今經摠說舉身常光對十二光，而云百果七尺等，故彼十二光舉身光，故然覺經及大彌陀云諸佛頂光不及彌陀頂中光明。云是約圓光相對比校，所以者何？大

彌陀云阿彌陀佛頂中光明所炎照，千万佛國。覺經全同而觀經云彼佛圓光如百億三千大千世界。此言千万者，即百億，故知頂光即指圓光。問彼佛圓光限百億者，何莊嚴云無量壽佛若化圓光，或一由旬，二由旬，乃至遍滿無量無邊無數佛刹。此答化言所表，似現起光。若是頂中常光之外現起圓光，或一由旬，及無數數次。文中無量光等者，十二光義。諸師異解如憬興者，破淨影釋而述自義禮讚。

記中引用興釋委如彼記今聚諸釋今知同  
異讚彌陀偈云智慧光明不可量無數量故

懷興同之淨影云無量多也解脫光輪無限齊無邊

際故寂一之影云廣也光雲無礙如虛空

無障導故齊一興同清淨光明無有對無敵

齊一影與皆同但興除佛然佛光照曜寂寂寂

一光照勝故影齊同之興道光朗色超絕

離垢色淨故影齊同之玄一兩義一義同前

一義云週光者滅三垢故興云從佛無貪而

現亦除衆慈光遐被施安樂除憂令悅故影

從佛無瞋而生佛光能破無明闇除癡闇故

亦除衆生瞋故而起亦除衆生癡故玄一大同光明一切

時普照相續不絕故影齊一其光除佛莫能

測因位難測故興一之影云週神光離相

不可名言語道斷故義齊同之影云週世言

云不可光明照曜過日月光色超故影齊一

照不學者思擇問此十二光為是常光將現起光

答應是常光以對餘佛之常光故第十二願

願成就故委如前釋問寶積經云復有異名  
謂無量光無邊光無著光無尋光照王端嚴  
光愛光喜光可觀光不可思議光無等光不  
可稱量映蔽日光映蔽月光奪日月光莊嚴  
經云無量光無尋光常照光不空光利益光  
愛樂光安穩光解脫光無等光不思議光過  
日月光奪一切世間光無垢清淨光此之  
二經說十三光相違如何答今經為正合首  
經及真言皆說十二光故寶積等說或同或

異開合不同傳者不正例如二十四願而已  
次嘆光益中亦有二初明現益次壽終下明  
當益也禮讚引之而合攝取不捨之文顯現  
當益謂以三垢消滅等文證其現益又以壽  
終之後等文證其當益是則彼第三十三願  
願成就也初文中二先利人天次若在下利  
三途也初文中遇斯光者指稱各人名義  
不難故遇斯光三垢等者即指三毒蒙光觸  
故能滅貪等問設雖光力具縛凡夫何忽滅

或答三毒漸薄名之為滅非謂斷惑舉要言之發心以前三毒稱念已後三毒定不可同三毒若有微薄分者當知光益若無其分深可慚愧身意柔輒者如前已釋善心生者指三善根三善漸生心行即增翻前滅垢其義可知次文中若在三途等者問人間行者猶見光難三途衆生豈輒得見答心地觀經云以其男女追勝福有大金光照地獄光中演說深妙法開悟父母令發意比孝子追善尚

以知此弥陀光益豈唐捐乎但待機熟有此益耳聞三途見光為限名義不離之益為通餘緣答機根万差聖應非一然弥陀佛有摠別願若蒙摠願之光益者只在餘緣如彼道如法師緣者即其事也若蒙別願之光益者必由稱名名義即故然望佛願者稱念名号見光滅苦速疾不同定散之業今說別願攝取光益故在稱名次當益中壽終筆者通上人天三途兩輩非限惡趣皆蒙解脫者依禮

造佛功德也

讚意指往生也。二明諸聖讚嘆其文可見。三  
明衆生稱嘆中。三初明自稱說。次隨意下生  
後蒙嘆。三至其下果後蒙嘆。初文中稱說者  
此有稱揚及以稱名如往生論讚嘆門也。次  
文中其功德者指嘆稱。因後文中嘆其光者  
翻行因故。四摠結可知。次明佛壽中。二初標  
長遠。次假使下寄事顯長。即第十三願成就  
也。初文可知。次文中都猶摠也。禪思等者。禪  
謂梵語即寂靜義。思謂漢語即思惟義。然憒

興云有說梵云馱演那。此云靜慮。謂寂靜思  
慮。昔禪那或訶那。或云禪。皆訛略也。雖知昔  
禪即今靜慮。未聞禪字。復有所目良可悲。故  
今即禪思者。專思之別言也。比有說意者。舊  
譯禪字一向屬誤。興師意者。禪者專也用。借  
音故。今謂法華華嚴中說禪波羅蜜。是存梵  
語。當知西天或云馱演那。或云禪那。梵語輕  
重。例如瑜伽聲男瑜祇聲女輕重竭切韻云。竭盡  
也。二約身明徒衆中。二初明長壽。次又聲聞



下明數多初文中天人等者第十五願願成  
就也次文中二初揔明多次佛語下別明初  
會初文亦二先舉數多次神智下嘆其德也  
初文可知次文中神智等者憬興云得他心  
智宿命說一切智智慧辯才之所成也此今  
云說智智辯可尔攝菩薩故他心宿命其義  
不然攝凡夫故次別明中四初直舉多次如  
今下約目連辯多三譬如下開譬四佛語下  
合譬初文中初會等者弥陀成道寂初說法

為初會例如釋迦初中後善當來彌勒三會  
說法問彌勒三會化度嘉祥微少結緣三類之儀  
式也如法華義疏云彌勒有三會者度釋迦  
餘殘三根衆生也於釋迦佛持五戒人初會  
得道受三歸人次會得道一稱南無佛人三  
會得道復有獨與彌勒結緣更為說法不止  
局於三會已上成佛經中第三會化一搏施  
食除梵摩越長者已外三會得脫  
皆能是釋迦滅後淨土豈有如此別耶答因順  
穢土且名初會欲顯多故初會猶尔况後會

耶故嘉祥云初會尚非日連等所知豈况後  
兩會數可知乎又憬興云初會者偏舉不盡  
之言顯無數故比聲聞等者第十四願願成  
就也自下三科如文應知

第二又其國土下明極樂中大分為二初明  
依報土次阿難彼佛下約土明人初文有四  
光明寶樹次亦有自然下明伎樂三又講堂  
下明宮殿四内外下明寶池也初文亦三先  
明諸樹次又無下明道場樹三佛告下比较

顯勝初亦有二先列諸樹次清風下明出妙  
聲初文亦二先舉所依土次七寶下列能依  
樹初文可知次文有三初惣標次金樹下別  
列三此諸下結初文應解次文亦二初列純  
寶樹次或有二下列雜寶樹初文中頗梨樹  
者下除頗梨而舉水精同異思擇問所舉七  
寶其體如何答金梵云五種伐羅即有銀梵云  
五色黃金為長銀阿路  
其色白矣瑠璃具云吹瑠璃此翻不遠謂去波羅  
奈拔不遠出此寶故以為名也其  
色青也或金翅鳥之卵殼也鬼頗梨新云頗  
神破之以施人故用為寶矣

白或赤火精即赤水精即白俱舍論云日輪  
下面頗脰迎寶火珠所成能熱能照月輪下  
而頗脰迎寶水珠珊瑚是則寶樹此之木身  
所成能冷能照珊瑚幹枝條葉皆紅色也  
或生山中或生海底盤石之上欲取之持鐵  
網沈底能貫出之一歲之時有二三尺形如  
小樹色白而柔宛如菌二年黃色三年赤色  
味甘無毒能鑿目翳龍興云赤真珠舊云珊  
瑚馬脰青色似馬腦車渠此云勝也其色青白  
之類尚書赤傳云大貝如大車之渠渠今依  
謂車之輞今從其狀類車之輪輞渠也

音義等略抄之而已次雜樹文亦二初標次  
或有金下列初文可知次文中衆寶為菜者  
問準上應云珊瑚為菜何云衆寶荅上二寶

樹下七寶樹今為欲顯三寶乃至六寶樹故  
摠云衆寶二寶乃至七寶諸樹各有七七四  
十九本今舉少分得意應知枝條等者條玉  
云小枝也二出妙聲中五音聲者法位一義  
云出五音聲者一諦了二易解三不散四無  
厭五悅可比興師破之云今云次下既云宮  
商定知宮商角徵羽也故影寂興一同作此  
解法位一不可異解問五音相何荅此之五  
音攝一切也謂宮土音土用也中央也王也  
法界智也佛部也一越調

也商金音秋也蓮華部也臣也妙觀也角木音春也

大圓鏡智也徵火音夏也南也人事也平

也羽水音冬也北也萬物也成所禮樂注曰

宮為君商為臣角為民徵為事羽為物五者

不亂則無怙薄之音矣上五音若亂天下危

衰聲作佛事豈亂五音五會讚云問曰五會

念佛出在何文答曰大無量壽經云至出其

音聲微妙宮商自然調和上問音聲何別答

禮樂注曰宮商角徵羽雜比曰音單曰聲上

次道樹中三初明樹相次微風下出聲說法

三其闡下見聞獲益初文亦三先明量相次

一切下明其體相三以月下明莊嚴相初文

中四百万里者問此道樹量與佛身量不相

稱何答如前已釋第二十八願成就故次文

可知後文中月光等者月光持海同摩尼各

月光約用持海約德千手經云日精摩尼月

精摩尼上次出聲文可知三獲益中二初他

方益次目覩下自土益初文中聞音等者問

也方亦有見知等耶答聲遍他方故有聞益  
樹體未遍何有見等若約機宜見知無方次  
文亦三初明緣樹得忍次阿難下列得忍別  
三此皆下明得忍由初文中目覩等者第四  
十一願成就也古掌等者問變易淨土何有  
段食否自然飽足且名掌味實無段食禪為  
食故次文中見此等者問上經六根結法忍  
益今何限見答舉一顯餘音響筆者諸師異  
解淨影云慧心安法名之為忍乃三地已還

尋聲悟解起聲知響名音響忍四地已還捨  
詮趣實名乘順忍四五六地證實離相名無  
生忍憬興破云初地已去皆已證實應無尋  
聲趣實異故至乃今即尋樹音聲從風而有有  
而非實故得音響忍乘者無乖角義順者不  
違空義悟境無性不違於有而順空故云乘  
順忍觀於諸法生絕自他法無別四句故云無生忍法位大同  
又義寂云音響忍者十忍品云若聞真實法  
不驚不怖不畏信解受持愛樂順入修習安

住是為第一隨順音聲忍即是音響忍也隨  
順忍者即彼文云比菩薩隨順寂靜觀一切  
法平等正念不違諸法隨順深入一切諸法  
清淨直心分別諸法修平等觀深入具足是  
為第二順忍無生法忍者又彼文云此菩薩  
不見有法生不見有法滅何以故若不生則  
不滅若不滅則無盡若無盡則離垢若離垢  
則無壞若無壞則不動若不動則寂滅至乃是  
為第三無生法忍至乃又音響者即是五忍中

第二信忍故至乃在初二三地又可亦攝地前  
伏忍柔順忍者即是五忍中第三忍也此忍  
位在四五六地無生法忍即是第四此忍位  
在七八九地又可亦攝第十地中寂滅忍也  
如此釋者忍依華嚴位依仁王而判此經  
玄一即舉法位淨影而不取捨今且可依懷  
興之釋問興意今忍在何位耶答今無所判  
若準上釋應是三賢委如前引後文中威神  
等者依此六由能得三忍然諸師釋或同或

異且淨影云威神力者由彼如來現在威力

故私云麻位同本願力等由其過去本願之

力故本願是惣餘四是別私云麻位同之玄

者即往誓願之力他方菩薩聞名得忍恐亦自土故滿足願者顯心圓

滿私云位一同之云願無闕故明了願者求

心顯著私云麻云不明慧共相應故與堅固願

者緣不能壞私云位與一同之麻云究竟願

者終成不退私云寂云期盡有情法界際故

願興云必果遂故一云此願中路以此願故

生彼國者悉得三忍上問本願力者為通六

八為指一願答舉惣顯別但憬興云其文意

云指第四十八云本願然彼他方聞名得忍

此則自土見樹得忍彼此雖異彼本願益恐

亦可通自土益故乘彼願力得此法忍云若

余上文約見樹邊為第二十八願成就約得

忍邊為第四十八願成就三比按顯勝文可

知次亦有下明伎樂中三初惣標舉次又其

下顯法音妙三十方下明音聲勝初文中自

然等者懨興云於虛空不從樹風而有故云  
自然比伎樂者王云伎與也廣云舒散也次  
文中清揚等者義寂云清者清淨聞者不生  
陽染心故揚者宜揚由能宜揚實相法故哀  
者悲哀聞者能生大悲心故亮者明亮由能  
開發智慧明故微者微密其音微密如梵響  
故妙者妙善其音妙善似鸞聲故和者調和  
音韻尅調宮商和故雅者雅正其音雅正順  
佛法故比三又講下明宮殿中二初明體相

次復以下明莊嚴相初文中講堂等者於中  
說法謂之講堂言精舍者輔行云精者米眷  
名也舍者逆糟糲選詮佛道故云精舍比宮  
殿等者辯正論八云釋名云天子所居曰宮  
諸侯所居曰亭曰宅止客曰殿集賢曰觀今  
以都宮而為觀者非其義也釋名云觀者於  
上觀理也比次文中真珠等者問明月摩尼  
為同為異答此義難定大弥陀云明月珠鉢  
摩尼鉢云準此文者真珠明月是一珠名非



摩尼也。又法華云：真珠嬰珞。摩尼珠嬰珞。難引大論云：真珠出魚中，或竹中，或蛇腦中。已上林賦云：明月珠子的。略江摩廣州記云：鯨鯢目明月珠。注云：鯨魚死，其目化為明月珠。圖經云：廉州邊海中有洲，嶋嶋上大池，謂之珠池。採老蚌，割取珠。漢書云：珠璣中陰精。隨月盈虛也。今南海之交趾合浦所產。已又千手經云：月精摩尼。准之明月摩尼一珠名也。探玄記云：摩尼者珠通名。云交露者交露

湧也。字林云：湧，幕絃絃似垂露。四內外下明寶池中。二初明池相次，波揚下出聲。說法初文亦四。先明量相次，八功下明水相。三黃金下明莊嚴相。四彼諸下資用無尋。初文中內外等者，宮殿內外。故覺經云：所居七寶舍宅。中外內處，處皆復自然流泉浴池。同之。又要集云：宮殿樓閣內外左右，已各皆一等者。十由旬池，縱廣深淺亦十由旬。如覺經云：浴池長四萬四千里，廣亦四萬四千里。已百千

準之次文中八功德者如定善義今舉三德  
湛然者玉云湛然露盛貌水不流也上已三文  
亦二初衆寶莊嚴次其池下衆華莊嚴初文  
中黃金池等者問所列寶池爲二寶池將爲  
純池若二寶者下文何云或二寶耶若純池  
者既以二寶莊嚴如何芥覺經云純白銀池  
者其底沙黃金也又云有二寶共作一池者  
其水底沙皆金銀也中復有三寶共作一地  
者其水底沙者皆金銀水精也上已此約底沙

說純雜也若準之者應是純池但金池等者  
約池岸歟小經云有七寶池八功德水充滿  
其中池底純以金沙布地事讚釋云底布金  
沙照異光上已或今約岸說純雜歟名金沙等  
故如是衆寶合成莊嚴第三十二願成就也  
次文中香氣等者亦三十二願成就也天優  
鉢羅華等者所言天者慶美之詞被下四華  
其四華者法華玄贊云新譯經說青黃赤白  
四色蓮華云優鉢羅華拘其陀華鉢特摩華

芬荼利華如次配之。比又新譯華嚴音義云  
優鉢羅華具云尼羅烏鉢羅尼羅者此云青  
烏鉢羅華号也其葉拔長近下小圓向上漸  
尖佛眼似之經多為喻其華似藕有刺也  
物物頭華莖有刺色或赤白。比大菩薩藏經  
云舊言波頭摩又作波頭暮此云赤蓮華也  
比四資用中五初淺深無尋次調和。下冷燻  
得中三開神下開神除垢四清明下淨無塵  
穢五微蘭下迴流相注初二可知三文中蕩

除心垢等者問水除身垢何云心垢答憬興  
云心垢者煩惱之名唯慧所除而言水除者  
觸水為發慧蕩除故。比四文可知五文中安  
祥者法華音訓云詳似羊反審也。次出聲中  
四初正出聲次隨其下聲應物心第四十六  
願成就也三隨順清下能生物善四無有下  
能生物樂初文可知次文中三初標次或聞  
下列三如是下結初標可知。次文中波羅密  
者此翻到彼岸六度用也十力等者如傳通

記諸通慧聲等者玄一云言通慧音者六通音言無所作音者無實因所作音言不起滅音者無實果起滅故言甘露灌頂衆妙法聲者授佛記聲謂第十地上又通慧者是定慧也結文可知三生善中二初明順果次隨順通下明順因初中亦二先順涅槃次隨順三下順菩提初文可知次文中三寶者如傳通記四生樂中三初明無苦次但有下明其有樂三是故下舉名結德文並應知二阿難彼

佛下約士明人中亦有二初明新往報勝次其諸聲聞下明舊住報勝初文亦二初正報勝次所處下依報勝也初文中清淨等者已下三句如其次第身口意也真金色故色清淨也即第三願願成就也具諸相故身清淨也即二十一願成就也辯無學故音聲妙也即第三十願成就也具六通故意功德也第五六七八九十願願成就也次文亦二初資具勝次若欲下資用勝也初文中所處等者

第二十七願成就也猶第六天者問下文云  
第六天王比菩薩聲聞不相及遠不可計倍  
今何云如第六天耶答欲果天中第六勝故  
且舉分喻然淨名疏二云西方淨土亦同居  
淨也彼經舉第六天為類故其實猶如第六  
天寶比是恐不然何故但執今之分喻忘不  
校量依正二報應相稱故况莊嚴云又他化  
自在天等及色無色界一切威勢對極樂土  
悉皆不現比次文中次於無為等者論注云

不斷煩惱得涅槃分上已故云次也如淨業記  
云泥洹亦云涅槃此云滅度次猶近也上次  
舊住報勝中二初正報勝次佛告阿難無量  
壽下依報勝也初文亦三先明內外勝次顏  
貌下明超穢土三佛告下比校顯勝初文中  
智慧高明筆者乘智慧願故高明也乘六通  
願故洞達也乘第四願故一類也如是等願  
願成就故問若余何分菩薩聲聞人天別乎  
答菩薩聲聞約其內證薄地凡夫名為人天

入天之各因。順餘方云。因順等者。義寂云。問人天雖無別因。餘方故有。亦可男女雖無異順。餘方亦有。荅女必為穢器五礙。故彼無人天更互勝。因餘彼並有。因順餘方有其二。義一。隨本業。謂往生者。或有資人業。生或有資天業。生。雖生彼時無異狀。因順本業。有人天各二。因居處。謂彼土中。或有依地居。或有在空中居。雖彼果報無異狀。隨其所在。處有人天各故。舊本云。其國中無有須彌山。其日月星

辰第一。四天王第二。初刹天皆在虛空中。因順

二義與師亦同。如前引也。次文中。非天等者。覺經云。亦非

世間人之身體也。又非天上之身體也。上自然虛無等者。義寂云。非胎藏所生育。故自然非飲食所長養。故虛無非老死所殞沒。故無極嘉祥云。以神通無所不至。故無極之體。如光影。故虛無之身。憬興云。虛無無極者。無障故。希有。故如其次第。玄一云。言虛無者。橫無。早障。故言無極者。縱無。衰退。故上三。比按中。

五初貧人比粟散王次設如下粟散王比輪  
王三轉輪聖王威相下輪王比忉利四假令  
下忉利比他化五設第下他化比聖眾初文  
亦三先如來問次阿難白佛下阿難答三佛  
告阿難下如來述成初文中帝王等者問指  
何王耶答淨影云將貧人對粟散王懽與轉全同  
輪聖王以外皆名粟散王四分律云壹摩至  
淨飯七代皆粟散又補注云人王中輪王為  
大餘粟散王為小上已次文中底極廝下者懽

興云底者最也廝下者陋下玄之一食趣者大  
般若音訓云趣僅也人理殆盡者切韻云理  
者分也正也道也義寂云雖在人報人業盡  
盡故殆盡者猶垂盡也懽興云殆從段反近  
幾也玄之一皆坐等者玄一云坐謂罪也謂相  
緣罪也蒼頡篇云坐辜也埴鐵論曰仕伍相  
連親戚相坐若引根本而及葉華傷小指而  
累四體是也即是相由義懽與同之唐者懽興云  
虛也無善可怙等者問善德何別答善者十

善德者五德憬興云怙胡古反福也示同等  
者義寂云謂視外相同於人類內實無有人  
道可錄示者視也亨茲等者義寂云響茲福  
樂者謂受此福樂或云響當作亨亨者當也  
受也又案字書響訓亦屬此福樂義亦無爽  
比服御者有云服謂衣服御謂車馬云云今謂  
不介準上句者服謂著服著妙衣也御謂勸  
御勸珍饈也切韻云御進也三述成文可知  
二比輪王文亦可見三比忉利中比之忉利

等者玄一云今此輪王醜忉利天王好然餘  
經云頂生王與忉利王無別所以不同者因  
法師二說一云約實大別就對餘人殊勝故  
不能別見耳一云亦有輪王與天王無別如  
頂生王然此文從多故此而明勝劣比四五  
兩科文並可見二佛告下明依報勝中亦六  
初資具稱身次或一下衆寶隨心三又以下  
寶衣布地四無量寶下寶網羅覆五自然德  
下德風吹鼓六又衆寶下寶華充滿初二三



段如文可見四寶網中晃者切韻云晃胡廣  
反明貌玄一云晃明也五德風文二初揔標  
德次其風下別列德於中亦四初風體調和  
次吹諸下出聲說法三風觸下觸身生樂四  
又風吹下吹華滿國初文可知次文中溫雅  
等者憬興云得中之狀三文中風觸等者玄  
一云約實而論對前衣服等而生勝樂然且  
約一相故風中方說比第三十九願成就也  
四文中馨香等者唐云香之遠聞玄一云馨

音賢朕盛香也此芬烈者玄一云上音數雲  
香和下音力哲光也義也抄略陷下四寸等者  
覺經云華墮地皆厚四寸華適少萎則自然  
亂風吹萎華自然去寶積經云華飄成聚高  
七尺至乃若諸有情足踏彼華沒深四指隨其  
舉足還復如初過晨朝已其華自然沒入於  
地舊華既沒大地清淨更雨新華還復周遍  
如是中時晡時初中後夜飄華成聚亦復如  
是此陷切韻云墜入也六反者玄一云約經

一夜也上已六寶華文亦四初明華滿次一一  
寶下明多葉三其華光下明多光四一一光  
下明出佛初文可知次文中百千億葉者問  
佛座尚八万四千葉池華何有百千億耶答  
隨緣不定三文中青色筆者青白玄黃朱是  
正色如次東西北中南故紫者間色黑所剋  
故今舉紫一顯綠紅碧助宣記上云正色謂  
五方之色也間色謂綠紅碧紫駟黃色也此  
由五行相剋而成皇侃云青是東方正綠是

東方間東為木木色青木剋土土色黃並以  
所剋為間故綠色青黃也赤是南方正紅是  
南方間南為火火色赤火剋金金色白故紅  
色赤白也白是西方正碧是西方間西為金  
金色白金剋木木色青故碧色青白也黑是  
北方正紫是北方間北方水水色黑水剋火  
火色赤故紫色赤黑也黃是中央正駟黃是  
中央間中央土土色黃土剋水水色黑故駟  
黃色黃黑也上已玄者玉云玄黑色曠曠筆者

憬興云曄于鬼反說文盛明貌也曄華音反  
華光盛也曄壬輒反草木華貌煥者明也爚  
者文章鮮明也玄一義寂云曄音于匪反曄  
音爲備反煥音呼採反爚音力且反曄曄者  
嚴盛也爚爚者炳著也上生疏云炳然者煥  
爚之異名也上巳三十六百千億光者問華座  
光多此光少何答隨緣不定四出佛中亦四  
初光出多佛次一一諸下多佛放光三普爲  
下各說妙法四如是下各利衆生文並可見

上來第二所成已竟

無量壽經鈔卷第五

本與書云

正安第二天庚子十月上旬候拭老眼清之

留贈後見共期往生 沙門了慧謹疏

子

子

佛學大學新藏

331028

